

SANITÉ: La doturia Mähknecht lascia alsavèi che ara é demez tl mëis de agost por motivs familiars. I doturs de sostituziun gnará comunicá plü inant.

PLOANIES SAN MARTIN Y LUNGIARÜ

Al vëgn presenté sö Oies n teater musical „Ujöp da Oies“, alaleria, por ladin. Le teater é nasciü da n'archirida di documënc personai y dl tëmپ da laota che nes condüj dër dlungia a sant Ujöp da Oies, na porsona plëna de coraje, de suzes y de renunzies, de umanité y de amur. Le teater é gnü metü a jí dal Sorvisc ai Jogn y vëgn presenté sön paladina da n grup de jobleri do le test de Carlo Suani d'Al Plan y la musiga de Antonio Rossi d'Ampëz, en colauraziun cun la Musiga de Badia, cun Fridl Pescoller y Bruno Rives (direziun musicala), Valentina Kastlunger y Bernardetta Nagler (rejia), Anastasia Kostner (coreografia), Ursula Tavella (scenografia/costüms). Indöt é 150 porsones che tol pert a chësc proiet. Les presentaziuns é ai 22 vëndres, 23 sabeda, 27 mercui, 29 vëndres y 31 sabeda de messé, vigni iade dales 21.00. An pó prenoté i posc por internet sot a www.musicaloies.it o por telefon 371 56 8 564. y paie diretamënter pro la cassa tl'entrada. Sc'al ess da plovèi un o dui de chisc dis, spo vëgn la presentaziun tuta ite i dis danter chëstes dates. Sce la presentaziun ess da gní spostada vëgn vignun avisé cun na comunicaziun e-mail (ch'an adora da se prenoté por l'ater iade).

LUNGIARÜ

La Uniun di Jogn inviëia düc al referat de Alexander Liotto "Iö y mia roda ... sön le tru de n some" en jöbia, ai 14/07, dales 20.00, tl salf Giuvani Costa.

"Descurí la natöra cun nüsc 6 sënsc" spazirada cun Giulia por mituns y mitans da 4 agn insö en sabeda ai 16 de messé, dales 9.00 ales 11.00. An s'incunta tla plaza dai auti de Pares. Prenotaziuns pro Giulia 347 58 60 697. Le cost é de 5 euro por möt/a. Organisé dala Uniun dles Ères.

Pro Senectute: I Seniors da Lungiarü é dër bel inviá incö domënia, 10 de messé, ala griliada dla uniun dales 12.00, tla ütia dla segra. Al gnará trat ite n pice contribut de 5 euro por porsona.

Al famèi de Poz ti é sciampè döes cioures: na foscia y na rossa. Präibel, sce valgügn les à odüdes, telefonede al famèi 340 80 93 035. Dilan.

La Ciasa de Palsa chir personal da daidé fora te deplü reparc: ciasadafüch, salf di pasc, puzenè, lavandaria. Al é la poscibilitè da daidé ma te un n repart o ince te deplü. Le debojëgn é sëgn por l'isté cun la poscibilitè da arlungé le raport ince do l'isté. Info valentin.erlacher@ciasadepalsa.it o 0474 524 786.



Plata dles Ploanies San Martin y Lungiarü



ploan siur Klaus Sottsas 344 15 54 055 - klstottsas@rolmail.net
curat siur Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194

www.valbadiaonline.it/comunita

10.07. - 17.07.22 nr. 33

ultimo termo por comunicaziuns: jöbia, dales 20.00

15^a DOMÈNIA IA POR L'ANN C

Vangele do Lüca 10,25-37

N èl è jü da Ierusalem jö Ièriho y é gnü pié dai ladruns. Ai l'à arobè fora y l'à dramè jö ia por tera; spo s'un ési jüs y l'à lascè dailò mez mort. Por caje é gnü n prou jö por le medemo tru; al l'à odü y é jü inant. Ince n levit é rové söl post; al l'à odü y é jü inant. Spo é gnü n èl dala Samaria, che è söl iade. Canch'al l'à odü, à albü compasciun impara, ti é jü pomez, à juté öre y vin sön sües plaies y les à liades sö. Spo l'àl alzè sön so tier da ciaria l'à condüt te na ostaria y à fistidié por èl.

Le dé do àl trat fora dui denars,
ti ai à dè al osti y à dit:
Tòletun sura de èl y sce t'adores
deplü spo t'al paai canch'i vëgni indô.
Cî mìneste pa: Cal de chisc trèi s'à pa
desmostrè sciöche proscim de chël
che é gnü pié dai leri?



Al é dailó plëgn de sanch ia por tera, desperé y ascuta sc'al é zacai che passa, che le dèida, mo no n lere che le drama ciamó n iade adöm.

Spo nen passel un y spo ciamó un, trami dlungia ia.

Ester vitima n'ó nia ma dí, gní maltratá,

mo ince gní lasciá susc tl dolur y tla desperaziun,

ne valèi nia tan, che chi che passa se toles dlaurela y la bria da daidé.

Spo nen vëgnel un che vëiga te chël püre cosce so proscim.

Al arfera jö, stá chit, sun tol sura y dá fora ciamó lapró n gröm de scioldi.

Y chësc é n samaritan, ince un che é desprijé dala gran pert dla jënt.

Al n'é cotanc ince incö che é vitimes y de chi ch'i podessun s'intène,

sc'i n'essun nia na te prescia da jí inant y s'architassun olach'al é debojëgn.

A che ti desmostri pa iö da ester so proscim? Che dèidi pa iö sö impé? image

EDEMA	SAN MARTIN	LUNGIARÜ	Indoman ai 11 de messé recordunse San Benedèt da Norcia, gnü detlaré „Patron dl’Europa“. Plü dadî gnô süa festa tignida ai 21 de merz, porchël: „San Benedetto, la rondine sotto il tetto.“ Benedèt ê nasciü da geniturs nobli l’ann 480. Do ch’al s’un â desdit dla vita mondana dla cité de Roma, êl jü a vire por trêi agn da eremit a Subiaco. Defata s’â abiné incër êl ia cotan de jogh che â les medemes aspiraziuns de fede. Por chisc âl metü sö deplü convënc da de pici grups de dodesc confredesc cun n abat. Insciö âl fat sö le convënt de Montecassino olach’al é resté cina süa mort ai 21 de merz 547. Por sü convënc âl scrit la „Regola“ de 73 capitui. Fora por döta la regola inviëia Benedèt i confredesc da ascuté cun la orëdla dl cör y da crëie tla misericordia de Dî. Pro i candidac dessel naota gnî ciaré sc’ai á bëgn l’intenziun frëma da chirí Chël Bel Dî. Sté a ne fá nia rovina l’anima. Insciö âl scrit dant les ores olach’al é da lauré, olach’al é da perié y da contemplé la parora de Dî. Oraziun y laur dess se completé. „Ora et labora!“ Tröp pëis ti dá la regola ala virtù dl amur, dla obediënza, dl chît y dl’umilté, ala ligrëza por la liturgia, al vire tla concordia y al fistide por i confredesc y por chi che vëgn tl convënt a perié do aiüt. I convënc beneditins é stá por 1.500 agn zëntri importanc te döta l’Europa, olach’al gnô coltivé la cultura, la sciënza y l’agricoltöra; insciö ái porté pro dër tröp al svilup dl’Europa. Sciöche abat de bun cör á San Benedèt ince ciamó incö tröp da nes dí te nosc laur y te nosc raport cun Chël Bel Dî. 
10.07.22 15^a Domënia ia por l'ann C	9.00 Corona 9.30 Gran Mëssa por la Comunité + + Milio y Tile Castlunger + Paul Graffonara (dl ann) Benedisciun dl tëmp	7.50 Corona 8.15 Gran Mëssa por la comunité dl ann + siur Fonjo Clara Benedisciun dl tëmp 15.00 Corona tla capela de S.Ojöp Fr.	
11.07.22 Lönesc <i>Benedèt da Nursia</i>			
12.07.22 Dedolönesc <i>Hermágora y Fortunat</i>	19.00 Mëssa + Hannele Flöss, Fles + Emma Schuen, Pidrô + Moritz Castlunger (dl ann)		
13.07.22 Dedemesaledema <i>Heinrich, Cunigunda, Joel</i>		7.30 Mëssa + Marino Clara, Ties + + Demattia	
14.07.22 Jöbia <i>Camil da Lellis, Roland</i>	7.30 Mëssa + Sepl Flöss d’Arzó + Angelina Vanzi Baldissera Corona por vocaziuns		
15.07.22 Vëndres <i>Bonaventura, Balduin</i>	18.30 Adoraziun chita 19.00 Adoraziun deboriada	7.30 Mëssa + + de Lidwina Y Berto Clara + + Angel y Clara Ferdigg	
16.07.22 Sabeda <i>S. Maria dl Carmel, Carmela</i>	20.00 Mëssa prefestia dl ann + Erna Frenner dl ann + Alfred Videsott + Maria Planatscher Trebo	18.30 Mëssa prefestia + + Severino y Angela Clara + Carlo Planatscher + + d’Alní	
17.07.22 16^a Domënia ia por l'ann C	9.00 Corona 9.30 Gran Mëssa por la Comunité + + Purgl y Irene Prousch Benedisciun dl tëmp	7.50 Corona 8.15 Gran Mëssa por la comunité Benedisciun dl tëmp 15.00 Corona tla capela de S.Ojöp Fr.	